

\*\*\* Feliz siman carnavalistanan y atrobe nos tin nos columna di luna "Na caminda pa carnaval 60" cu ta must-rando cu e lo bira un carnaval majestral.

Siguiendo cu informacionnan cu nos a ricibi for di SAC, nos kier a informa lo siguiente tocante reglanan pa bin na remarca pa premio di paradanan pa carnaval 2014.

\*\*\* Premio pa King and Queen of band

E King y Queen of band ta e participante cu ta e figura principal di un roadpiece, bodypiece, bodyroad, schoulderpiece of carosa cu realmente sobresali. Akinan e participacion di e figura principal ta hopi importante. E figura principal mester biba cu e creacion. E mester ta algo super spectacular, un combinacion perfecto entre e pieza y su maestro. E creacion aki mester a destaca y no necesariamente mester ta luhoso. E mester a participa pa tanto na San Nicolaas como na Oranjestad, esaki ta un must.

E participante y e pieza mester a impacta y a cay na gusto di e mironesnan totalmente. Lo tin un King y un Queen of band pa tanto e paradanan infantil como e parada di hende grandi.



\*\*\* Pa premio grupo di Aña.

E 10 categorianan cu e grupo di carnaval lo wordo huzga ariba pa yega na "Grupo di Aña" ta:

1. Banda musical
2. Fluho y espirito
3. Tema di aña
4. Carosa (min. 1)
5. Road piece (min. 1)

6. Body piece (min. 1)

7. Costuum (masa) - min. 50


8. Seccion (min. 1)

9. Reina(nan) - mester a participa den e eleccion final di SAC

10. Impresion, inovacion y creatividad total.

11. Grupo mester participa tanto den e paradanan di San Nicolas y Oranjestad.

Shoulderpieces y bodyroad no ta necesario, pero lo por ta un plus punt na final.



\*\*\* Otro premionan

Comercial, creativo, ambiente, comico, inovativo, best road dance show. E premio ariba menciona no tin finalista. Ta saca un ganador(a) so, y ta wordo otorga den tur e paradanan. E premio aki den principio ta premionan pa e grupo. Por tin excepcion, por entrega e premio na seccionnan manera roadpiece, carosa of individualnan. "esaki cu aprobacion di e cuerpo di hurado".

\*\*\* Durante un reunion cu SAC a tene cu instancianan tambe a bin dilanti e siguiente puntonan di atencion:

- Keurmento di tur vehiculo cu ta bay den parada, principalmente e trailernan. Mester informa riba esaki pa tuma lugar prome cu e prome parada. Pa evita cu e autonan ta dañá den paradanan.
- Vondellaan tambe lo bay haya tent posiblemente pa 2014.
- Faya bo haya ta keda vigente. Ta lamenta cu e aña aki a detene varios persona cu a participa den parada mes.
- Zonido ta keda mucho duro

caminda cu e tin consecuencia pa e participante y e mirones.

- Si ta pone un edad minimo cu un mucha por participa na parada?

- Uzo di boter di gas riba trailernan mester haya aprobacion si esaki por tuma lugar. E ta

perigroso y lo mester tuma un decision final pa cue punto aki.

- Ta sugeri pa na final di e parada di fakkkel pone musica den un stadion pa asina e publico por goza eyden pa asina evita publico keda riba caya.

Te otro luna atrobe cu un otro columna di "Na caminda pa carnaval 60"

Si abo tin algun informacion di bo grupo of pa trece na publicidad pa nos carnavalistanan, manda e email libremente na [espectaculo@diario.aw](mailto:espectaculo@diario.aw)